



Synfocity = 425

14th February, 2013

mail us at : mzsynfo@gmail.com; mizoramsynod@gmail.com - Phone - 2314648

□ Finance Committee a thu

Synod Finance Committee vawi 104-na chu vawiin (Feb. 14) chawhma dar 10:00 khan Synod Office-a Committee Room No.II-ah a thu. Meeting hi Rev. Lalramliana Pachuau, Moderator-in a kaihruai a, member 47 an kal.

Secretary reports-ah thil pawimawh hriat awmte tarlan a ni a, chung zingah chuan Finance Manager contract basis-a rawih lai Upa Lalsawmliana chu December 2013 thlenga thawk chhunzawm turin contract pek chhunzawm leh a nih thu leh Synod Financial Rules 2011 anga Budget Control ngaipawimawh tura Department leh Field zawng zawngte ngen an nih thu tarlan a ni.

April 2012 - January 2013 chhunga Synod sum hmuh dan dinhmun tarlan a ni a. Pastoral-ah Budget pum pui Rs. 59,58,72,000/- atangin Rs. 48,86,23,949/- hmuh a ni tawh a, chu chu Budget pum pui atangin za zela 82 a ni. Mission lamah Budget pum pui Rs. 40,82,49,000/- atangin Rs. 38,39,14,130/- hmuh tawh a ni a, chu chu Budget pum pui atangin za zela 94.04 a ni a. Pastoral leh Mission Budget belhkhawm Rs. 1,00,41,21,000/- atangin Rs. 87,25,38,079/- hmuh tawh a ni a, chu chu Budget pum pui atangin za zela 86.90 a ni. Nikum tun ang huna hmuh aia tuna hmuh tam zawkna chu Rs. 12,69,34,588/- a ni.

Sum lut tawh chinah Presbytery huapin Synod hnuai Presbytery 40 zingah Aizawl Bethel Presbytery chu thehlut tam ber an la ni a, pahnihna chu Aizawl Central Presbytery niin pathumna chu Aizawl Hmar Presbytery an ni.

□ KTP Rorel Inkhawm 2013 Inbuatsaihna

February 9 -10 khan KTP Rorel Inkhawm 2013 thlengtu Lunglei lam inbuatsaihna enpuiin Upa Zonunmawia, CKTP General Secretary, Pu Saizamliaana Sailo leh Pu Lalnginglova Hauzel, CKTP Committee member-te Lungleiah an zin phei a. Inkhawmpui nghahna hmun Lunglei Chanmari Biak In te enin Organising Committee te nen Synod House-ah inkawmna hun tha tak an hmang.

KTP Rorel Inkhawm 2013 hi Lunglei Chanmari Bial leh Venglai Bial ten inthlen tawmin Chanmari Kohhran Biak Inah nghah a ni dawn a, rorel palai 1,000 chuang beisei an ni. Chanmari Biak In kawtzawl leh a sir tuakah hulhiap tha tak zarzawm a ni tawh a, Biak In thlang basketball court-ah Fellowship neihna tur bik Stage tha tak 34ft. X 24ft. sak zawh tawh a ni a, a cheimawi hna thawh mek a ni. Organising Committee hian sum senso tur Rs. 5,90,000/- a ruahman a, sawrkar-a inhlawhna leh mi thahnemngaita inpekna atangin an budget hi tlin ngei an inbeisei a. Tin, a thlengtu Chanmari Kohhran hian Pandal leh Fellowship neihna tur bik cheibawlana atan hian Organising Committee sum pui hmang lovin Rs. 4,00,000/- budget an insiam a, Rs. 3,00,000/- vel sen ral a ni tawh.

Sub Committee hrang hrangte inbuatsaihna a kal tluang hle a, thahnemngai takin mahni zawn theuhah hma an la mek a ni. Organising Committee hian rorel palaite pualin March 2, 2013 (Inrinni)-ah ruai pui buatsaih tumin Ruai Sub-committee a din tel a. Rorel Inkhawm (March 1-3) chhunga Pathian Biak Inkhawm hrang hrang leh March 2 (Inrinni) chawhnu lama Saikuti Hall-a Fakna Inkhawm chu Synod Information & Publicity (Synfo)-in video-in an cover vek dawn a. Synfo thlalak hi JB Cable leh LDF Cable TV-ah live-a pek chhuah turin inbiak fel a ni tawh a, Aizawl lamah pawh an lo hmuh ve thuai theihna tur ruahmanna siam a ni bawk. Sound lam chu Beta (Lunglei) leh Active Sound (Aizawl) ten an buai pui dawn a, Beta hian Saikuti Hall programme bikah mawh a phur ang a, a dang zawng chu Active Sound-in an tum ang. Lunglei lam hian Presbyterian Kohhran programme lian tham an thlen vawi khatna tur a ni dawn a, Chhim Bial Administrative Secretary Rev. F. Lalrinnunga kaihhruainain phur takin theitawp an chhuah mek a ni.

□ Synod Mission Board

♦ Ramthar Board thu

Synod Ramthar Board Meeting vawi 145-na chu February 12 (Thawhlehi) khan Synod Office-a J.M. Lloyd Hall-ah Rev. Lalramliana Pachuau kaihhruainain neih a ni. Thu ngaihtuah 13 a awm a, Ramthar rawngbawlana Direct Evangelism lam uar tura Synod 2012 Gen.29-in thu a lo dah tawh chu tihpuitlin anih theih nan thawktute an in chah.

* Masihi Sangati Kendra Director kal chhuak Rev. H. Lalnthanga chu Rev. K. Lalthlanpuia'n a thlak ta a. Winchester School, Ramhlun Boarding chuan Director of School Education, Guwahati, Assam atangin High School hawn phalna kum hnih atan a hmu a, kum 2013 atangin Class IX hawn nghal a ni.

♦ SMB & CRWM ten Agreement ziak

Nizan (Feb. 13) khan Synod Mission Board leh Christian Reformed World Missions (CRWM) chuan thawhhona thuthlung (Partnership Agreement) an ziak thar leh a, hei hian kum 3 chung a awh ang.

Synod Mission Board rawn dawr tur hian CRWM atangin Rev. Dr. Gary J. Bekker, Director of Christian Reformed World Missions; Rev. Paul Yu, Regional Director for Asia and Europe leh Jason Ellis, Elder in Christian Reformed Church, Grand Rapids, Michigan-te Aizawl-ah an lo kal a, Synod Moderator Rev. Lalramliana Pachuau leh Synod Mission Board hotute nen inkawmin thawhhona hi an siam leh ta a ni.

♦ February 16 - 23 chung hian Tripura & Karbi Anglong Mission Field Committee neihpui turin Upa Lalrinmuana (Synod Mission Board Coordinator), Rev. R. Vanlalngbaka, Rev. C. Chawngliana leh Upa J. Zoliana (Board Executive Committee members)-te an kal ang.

□ Serampore hnuai MTC

SMB enkawlana hnuai Missionary Training College (MTC) kal mek atan Serampore Affiliation dil a ni a. Senate Council Meeting chuan hei pawh hi ngaihtuahin tunah chuan MTC chu Senate of Serampore College (University) hnuai College pakhat a ni ve dawn ta a ni.

□ ATC-ah Doctorate zirna

February 7 - 10 chhunga Senate of Serampore College (University) Senate/Council Meeting leh Convocation, AICS, Tanhrila neih chuan Aizawl Theological College chu Doctoral Centre atan a pawm a, Christian Theology leh Missiology-ah te Doctor zir theih a ni dawn ta. New Testament pawh tuna zirtirtu awm bakah Doctor Degree nei an awm vele hawn theih turin phalsak an ni bawk. Doctorate degree zir theihna neih hi thil awlai lo tak a ni a, zirtirtu leh lehkhabu lamah te, zirlaite awmna tur Quarters te neih that a ngai a, chutiangah pawh chuan Senate of Serampore College hotute ATC chungah an lungawi a, kumin June 2013 atana tan theih turin hma an la nghal dawn a ni.

Contd...

- ❑ **Chawimawina Hlan**
 February 7 (Ningani) khan Rev. Zaidarhzaua chu Presbyterian Church of India in chawimawina lehkha ziak a hlan. Hlanna inkhawm hi anmahni chenna In, Mission Vengah neih a ni a, Presbyterian Church of India General Assembly Secretary Rev. Zosanglianai kaihruiin Chawimawina thuziak hi a hlan a ni. He chawimawina thlangtu committee aiawhin Upa R. Lalmalsawman thu a sawi a, kum 25 lai ram pawna Missionary hna a thawk thei chu PCI in chawimawina pek a duh avanga he chawimawina thuziak hi hlan a nih thu a sawi. Chhungkaw lam aiawhin Rev. Zaidarhzaua'n lawmthu a sawi bawk. Rev. Vanlalzuata, Senior Executive Secretary-in chawimawina a dawn avanga lawmthu sawi tawngtaina hun a hmang bawk a ni.
- ❑ **CWM Audit Committee**
 Dr. Lalrindiki Ralte, Aizawl Theological College-a Lecturer hna thawk mêk chu Council for World Mission (CWM) hnuaiia Audit Committee member a ruat anih angin February 16 - 19 chhunga Audit Committee nei turin London-ah a kal. CWM hian khawvel puma an rawngbawlna hi Region 6 ah an then a, Dr. Lalrindiki hi South Asia Region aiawha Audit Committee a telh a ni. Dr. Lalrindiki hi 2012 khan Audit Committee member ni tur hian ruat a ni a, kum 4 term a ni. A tul chuan member pakhat hi term 2 chhung pawh a awm theih.
- ❑ **Ni. Lalmuanpui Hmar-in Senate Prize 2 a dawng**
 Serampore College/University Convocation, AICS, Tanhril-a neihah khan Aizawl Theological College atanga B.D. zir chhuak Ni. Lalmuanpui Hmar chuan titha ber lawmman pahni - Senate Prize in Biblical Studies in New Testament B.D. (Thuthlung Thar-a ti tha ber) leh Union Biblical Seminary Prize in B.D. for Highest Grade in New Testament (Thuthlung Thar-a mark hmu sang ber) a dawng.
- ❑ **MSSU**

 - ♦ February 15 & 16 hian Tuikual North Kohhranah Sunday School Zirtutu Training neih a ni dawn a, February 15 (Zirtawpni) zan hian Puitling zirtutute pualin training neih a ni ang a, Pu John Lalhruiatluanga, MSSU Asst. Coordinator leh Upa Hrilthansanga, Mission Vengthlang (MSSU Trainer) ten an neihpui ang. February 16 (Inrinni) hian nilengin training neih leh a ni ang a, Pu John Lalhruiatluanga, MSSU Asst. Coordinator; Upa Hrilthansanga, Mission Vengthlang leh Upa A. Rozama, Dinthar (MSSU Trainer) te an kal ang. Zan inkhawmah Pu John Lalhruiatluangan fanau enkawl (Child Evangelism) chungchang thuchah a sawi ang.
 - ♦ February 16 (Inrinni) hian Chawngtlai Bial huapin Phai Veng Kohhranah Sunday School Zirtutu Training neih a ni dawn a, training neihpui tur hian T. Upa Lalthahluna Ralte, MSSU Asst. Coordinator; Upa C. Lalbiakmawia, Thuampui leh Upa Lalchhuanawma, Zuangtui (MSSU Trainer) te an kal ang.
 - ♦ February 16 (Inrinni) hian Mission Veng Kohhranah Puitling Sunday School Zirtutu Training neih a ni dawn a, training neihpui tur hian Rev. Dr. K. Lallawmzuala, ATC a kal ang. February 20 (Nilaini) hian Naupang Sunday School Zirtutute pualin training neih leh a ni ang a, training neihpui tur hian T. Upa Lalthahluna Ralte, MSSU Asst. Coordinator; Upa Lalhmachhuana, Tuikual North leh Upa K. Vanlalngaha, Ramhlun East (MSSU Trainer) te an kal ang.
- ❑ **Kristian Thalai Pawl**

 - ♦ February 20 (Nilaini) hian Ramhlun Bial KTP-in Ramhlun Vengchhak Kohhran Hall-ah Leadership Training an buatsaih dawn a, training neihpui tur hian Central KTP hruiatute atangin Tv. V.L. Muanchhana, Asst. Secretary leh Pu R. Lalhmingthanga, Committee Member-te an kal ang.
 - ♦ PC Mynamar Thalai Pawl PYJC Phai Synod ten Central KTP hnena an dil angin KTP General Conference hrang hrang (1972 - 2001) Hla Bu lakkhawm leh a hnu lama General Conference Hla Bu te pek an ni.
- ❑ **Campus Ministry**

 - ♦ February 18 (Thawhtanni) chhun dar 12:00 hian Mizoram College of Nursing-ah Bible Study neih a ni dawn a, February 19 (Thawhlehi) dar 1:30 p.m. hian Apollo School of Nursing-ah Bible Study neih a ni dawn a, hemi neihpui tur hian Rev. Krawschhuanmawia i/c Campus Ministry a kal ang.
- ❑ **Music**
 February 18 - 21 chhung hian Bungthlang South Kohhranah Music Training neih a ni dawn a, training neihpui tur hian Pu Lalromawia, Synod Music Instructor a kal ang.
- ❑ **Hruaina Eng FM Radio & TV Programme**

 - ♦ **FEBRUARY 15 (FM Radio @ 7:30 p.m.) :**
Choir : Mizoram Synod Choir - Chawngzawng pawh hawisan lotu, Dawrpui Bial Zaipawl - Kawngkhar Mawi, **Thuchah** : K. Vanlalngaha - Naupangte Pathian thua kaihrui leh enkawl, **Group** : Vohbik - Ka thupui ber, **Choir** : Venghlu Bial Zaipawl - Ngai rawh i kaah, **Solo** : Vanlalsailova - I nun phurrit tak chu
 - ♦ **FEBRUARY 17 (TV Programme @ 3:00 p.m.) :**
Choir : Bungkawn Pastor Bial Zaipawl - Lamlian thianghlim, **Dawn tisei** : Rangvamual leh Phunchawng, **Sermon** : Rev C Vanlalhrui - Rin Ngamna, **Choir** : Model Veng Pavalai Zaipawl - Zion Pathian Khawpui, **Bihchianna** : Synod Office (**RB**), **Solo** : Fredy Lalruatsanga - Seol palai au aw, Lalremruata & MSVT Pastor Bial Zaipawl - Haw rawh
- ❑ **Susamachar Prasaran Programme**
FEBRUARY 17 (Pathianni) 5:00 pm. Hindi Gospel Programme (Susamachar Prasaran) :
Group/Choir/Solo : Luangmual Vengthlang - Bondhu re, **Group/Choir/Solo** : Aizawl Venglai Masihi Sangati - Balidan, **Sermon** : Rev Laltharzuata - Masib hamara Adarsh, **Group/Choir/Solo** : Govt Complex Kohhran - Syon Desh, **Group/Choir/Solo** : Champhai Vengthlang Pastor Bial - Hamara Kal
- ❑ **Moderator Programme**
 Synod Moderator Rev. Lalramliana Pachuau chuan tunkar chhovah hetiang hian hun a hmang ang :

 - ♦ February 14 (Ningani) 10:00 a.m. - Synod Finance Committee
 - ♦ February 15 (Zirtawpni) 8:00 a.m. - Theological Education Board meeting
 - ♦ February 18 (Thawhtanni) 10:30 a.m. - Central Kohhran Hmeichhe Committee
 - ♦ February 19 (Thawhlehi) 7:00 a.m. - Officers' Meeting
 - ♦ February 20 - 23 - Manipur Area Committee, Churachandpur

